



PRIMEIRU MINISTRU

**DISKURSU ABERTURA HUSI
SUA EXELÊNCIA PRIMEIRU-MINISTRU
KAY RALA XANANA GUSMÃO
IHA PRIMEIRA REUNIAUN KONSELHU NASIONÁL ORGANIZADÓR PRESIDÊNCIA
ASEAN**

Dili, 23 Feveiru 2026



Palácio do Governo,
Avenida Presidente Nicolau Lobato,
Dili, Timor-Leste

Membrus Governu,
Señoras no señores,

Ita hahú ohin preparativu sira ne'ebé formais liu ba prezidénsia Timor-Leste iha ASEAN iha 2029.

Iha jersaun ida nia laran liutiha restaurasaun independénsia, ita-nia nasaun sei asumi responsabilidade atu lidera Asosiasaun Nasoens Sudeste Aziátiku.

Ne'e sei hanesan momentu desizivu ida iha ita-nia istória no hatudu mós ita-nia kbiit nu'udar Estadu.

Iha 2011, povu timor tomak hamutuk hodi harii bases ba pás duradoura. Ita hotu haklaken "adeus ba konfliktu" no "simu dezvoltimentu".

Ho entendimentu ne'e, ita bele hateke ba futuro no dezvoltolve vizaun nasional ida ba ita-nia país.

Ita hamutuk hikas hodi dezvoltolve planu ida ba longu prazu atu alkansa ita-nia vizaun, mak Planu Estratéjiku Dezvoltimentu, ne'ebé implementa husi 2011 to'o 2030.

Iha tinan ne'ebá, ita husu ita-nia adezaun ba ASEAN.

Adezaun ba ASEAN hanesan prosesu naruk ida no ita tenke agradese ba empenhu ho servisu todan husi ema hotu-hotu liuliu sira ne'ebé ohin presentes iha sala ne'e.

Iha Simeira ASEAN iha Malázia, iha tinan uluk, sira simu ona ita iha ASEAN. Ne'e hanesan konkista boot ida ba ita-nia país.

Ida-ne'e reflète konfiansa ne'ebé ita-nia rejiaun depozita iha ita-nia kapasidade atu kontribui ba pás,seguransa ho prosperidade rejionais.

Adezaun ba ASEAN integra tomak Timor-Leste iha vida ekonómika no estratéjika Sudeste Aziátiku nian, hodi liga ita-nia dezvoltimentu ho estabilidade no kreximentu iha ita-nia rejiaun.

Remodela ita-nia futuro ekonómiku,hodi fó ba ita-nia povu asesu boot liu ba merkadus rejionais, ba edukasaun no ba kampu trabalhu.

Adezaun ba ASEAN hametin mós ita-nia lian estratéjika no polítika, ne'ebé permite Timor-Leste kontribui ba foti desizoens no ba asaun polítikas rejionais.

Nu'udar nasaun, ita hakat husi konstrusaun pás ho Estadu ba períodu konsolidasaun no integrasaun.

Bainhira Timor-Leste asumi prezidénsia ASEAN, iha 2029, ita hahú períodu lideransa foun ida.

Ita-nia país la sees ona husi asuntos rejionais, maibé sei asumi responsabilidade tomak.

Ne'e hanesan responsabilidade boot ida ba ita-nia nasaun no ba ita-nia povu tomak.

Ita tenke garante katak ita merese konfiansa ne'ebé ita-nia parseirus rejionais sira fó mai ita.

Karta ASEAN nian fó mai ita direitus ho obrigasoens ne'ebé hanesan ho Estadu-Membru sira hotu. Ne'e signifika katak, iha 2029, ita la partisipa de'it maibé sei lidera.

Preside ASEAN la'ós atu halo de'it reunioens. Hanesan teste ida atu haree katak nu'udar Estadu bele koordena, prioriza, orsamenta no ezejuta ho dixiplina.

Ne'e sei ezije kooperasaun governamental ne'ebé efikáz no abranjente, planeamentu kuidoazu, jesatun finanseira ida ne'ebé sólida, infraestruturas seguras ho fiáveis no forte voz nasionál (katak, tenke lian maka'as nu'udar nasaun) iha ambiente rejionál ida ne'ebé kada vez mais komplexu.

Ita-nia Prezidénsia tenke hatudu katak ita bele harii forsa institusionál ida ne'ebé la'ós de'it partisipa iha diskusoens, maibé atu lidera.

Iha 2029, ita-nia dezempeñu sei molda forma oinsá ita-nia rejiaun bele kompreende Timor-Leste ba jerasaun tuirmai.

Iha 2029, mundu tomak nia matan sei hateke ba ita. Ne'e sei sai hanesan eventu internasionál boot liuhotu ne'ebé durante ne'e ita bele realiza.

Iha Simeira ASEAN, ita sei simu la'ós de'it líder rejionál sira, maibé mós líderes husi mundu tomak. Ita tenke prepara an didi'ak

Tanba ne'e, preparasaun tenke hahú ona.

Estrutura governasaun ne'ebé Konsehu Ministrus estabelese sei fornese baze ba knaar boot ne'e. Konsehu ne'e sei define direasaun estratéjika.

Komité Ezekutivu sei supervizona implementasaun no Sekretariadu Nasionál ASEAN sei koordena servizu tomak.

Ohin ne'e, ita hahú ita-nia primeirus pasus konkretus. Ita sei adota Termus Referénsia ba setores relevantes no subkomités operasionais. No ita sei aprova Planu Trabalho Anuál 2026.

Primeiru anu ne'e hanesan ita-nia faze fundasaun. To'o final 2026, ita tenke halo hotu ona ita-nia avaliasoens iniciais ho ita-nia planus asaun.

Ne'e sei ezije unidade propóztu iha governu tomak.

Importante realsa katak preparativus ba 2029 sei ezije atu ita reforsa infraestruturas kríticas iha país tomak.

Sei ezije melhorias iha ita-nia sistemas saúde, edukasaun ho servisu públikus atu nune'e ita bele satisfáz padroens internasionais no mós nesesidades husi ita-nia populasau.

Sei hagle'an ita-nia integrasaun rejionál no fortalese baze husi ita-nia kreximentu ho oportunidades ba longu prazu.

Nune'e, knaar boot ne'ebé ita hala'o atu simu ASEAN la hanesan de'it simples organizaun Simeira 2029 nian, maibé liu ida-ne'e. Katak atu servisu maka'as hodi hadi'a moris ho oportunidades ba ita-nia sidadaun sira hotu.

Iha tinan tuir fali mai, iha 2030, ita-nia Planu Estratéjiku Dezenvolvimentu ba tinan ruanulu sei remata.

Knaar fundamentál ne'ebé ita halo atu simu ASEAN sei hametin liután ita-nia Estadu hodi prepara ita-nia an atu halo planu ba tinan ruanulu tuirmai.

Ne'e mak knaar ne'ebé iha ita-nia oin. La'ós de'it atu prepara Simeira ida,maibé hanesan prosesu konstrusaun nasional hodi apoia futuru pozitivu ida ba ita-nia povu.

Ho nune'e, ha'u deklara aberta primeira reuniaun Konselhu Nasionál Organizadór Prezidénsia ASEAN nian no ha'u konvida Sekretariadu Nasionál ASEAN atu apresenta pontu orden trabalhus tuirmai.

Obrigadu barak.